

魯盛典

卷十五 卷十六



幸行 益典卷十五 庚季歲歲十十平姪災重

康熙二十八年己巳秋八月以烈平歲

詔修闕里孔子廟

臣孔毓圻

奏為兩與千燈大矣至矣外以味矣而

聖注重道極隆籲請

勅修闕里尊重嚴密茲茲其示以善谷具以

聖廟以光其再賜文

益朝大典事

編修

皇上以不世出之聖當大有為之時 八治河隆聲教翔



治亘古燦今參天兩地蓋
先聖集堯舜禹湯文武周公之首
皇上更統備堯舜禹湯文武周公之全惟
聖知聖惟道重道務極效法敦崇以勵世善俗是以
恩數超軼百代

典章炳煥千秋大矣至矣蔑以加矣而臣更有請者
臣按闕里五世

聖廟歷代以來凡遇隳敝例由襲封之臣報明上請
或撤葺更新或因仍修葺所以歷年逾久廟貌常
步今按廟自明季弘治十七年被災重建歷今三

百年歲月久遠日漸毀敝殿寢多有漏損廊廡皆
已傾頽齋舍全荒舊亭廢墜通年以來尤極敝壞
不堪及時修理似不容緩臣伏思天下州縣文廟
仰賴

皇上盡皆修整完備况茲闕里與聖之區關係尤重幸
遇

皇上聖明在上千載一時正廟貌重新之日宮牆完美
之期也臣特敢備悉情形亟行陳請伏乞

皇上睿鑒施行康熙二十八年六月二十二日題本月二
十九日奉

卷十五

旨該部議奏

禮部

題前事該_臣等議得衍聖公孔毓圻疏稱闕里聖廟歷代以來凡遇隙敞例由襲封之臣報明上請廟自明季弘治十七年被災重葺歷今三百年歲月久遠日漸毀敞殿寢多有漏損廊廡皆已傾頽齋舍全荒舊亭廢墜邇年以來尤極敞壞不堪及時修理似不容緩等因前來竊惟

皇上尊師重道

駕_臨闕里釋奠

先師加恩聖裔尊崇之典無所不極今衍聖公孔毓圻既稱闕里

聖廟歲月久遠漏損傾頽等語理應工部差官勘明確估將修理之處議覆但今值

大行皇后喪禮工部事務繁多應暫行停止可也康熙二十八年七月二十三日題八月初五日奉旨闕里聖廟崇奉

先師萬代瞻仰今既日漸毀敞理宜修葺着差工部內務府官員前往確估到日再議具奏

九月

遣內務府郎中阜保工部郎中壽彙赴闕里

聖廟估計十二月阜保等賚

聖廟估計冊回京復

命康熙二十九年庚午工部議以今年不宜蓋正請將闕里

聖廟修理暫行停止

上命再議

工部等衙門爲請

旨事闕里

聖廟估計修理之處內務府郎中阜保筆帖式王世

等因康熙二十八年九月二十三日題本日奉

旨依議

工部爲請

旨事衍聖公孔毓圻疏稱闕里

聖廟敝壞等因禮部議覆修理之處暫行停止奉

旨闕里聖廟崇奉

先師萬代瞻仰今旣日漸毀敝理宜修葺着差工部內務府官員前往確估到日再議具奏欽此欽遵隨差內務府郎中阜保

臣部郎中壽彙估計去後于

康熙二十八年十二月十三日郎中阜保壽彙回
來料估之處轉奏奉

旨將料估之處交與該部等因到部查得郎中阜保等
估內共需用大小松檟木九千八百餘件架木一
萬三千三百餘根城磚方磚沙滾子磚斧刃磚共
十五萬四千二百餘件布筒板瓦七萬六千六百
餘件白灰三百九十萬四千二百餘觔各項匠役
九萬三千二百餘工壯夫四萬六千四百餘工其
大成殿大成門琉璃瓦脊料全換并換圍房脊料
銀邊瓦共琉璃瓦二十萬三千二百餘件等因該

臣等查得郎中阜保等估計內需用琉璃瓦料松
檟木榑架木之數甚多一時難以挽運且今年不
宜蓋正將修理闕里

聖廟暫且停止俟修理之日將修理之處再行詳確
估計議覆可也康熙二十九年二月初二日奉
旨明年修造之處再議具奏

工部

題爲請

旨事先經臣部具奏修理闕里

聖廟據郎中阜保等估冊內需用琉璃瓦料松檟木

植架木之數甚多一時難以挽運且今年不宜蓋
正將修理闕里

聖廟暫且停止俟修理之日將修理之處再行詳確
估計議覆等因繕寫摺子具奏奉

旨將明年修理之處再議具奏欽此欽遵隨行欽天監
選擇明年修理吉期去後據欽天監文內開康熙
三十年四月十二日丁卯宜用未時修理闕里

聖廟吉先從東南巽方動土起吉等語該臣等再議
得先經臣部以今年不宜蓋正將闕里

聖廟修理之處暫行停止等因具奏奉

旨於明年修理之處再議具奏欽此查得郎中阜保等
估計帶來冊開闕里

聖廟大成殿等殿五十四間大成門等門六十一間

曰房八十八間內挑換朽爛檁柱望板椽子等木

拆卸瓦片重甃照原舊油飾彩畫修理等語其修
理所需顏料銅鐵等項于戶部支取不算價值外

共用松檜木植九千八百六十八根價銀二萬四

千三百二十四兩八錢杉木椴木榆木一百三十

根價銀一百八十一兩五錢琉璃瓦料二十萬三

千二百九十七件價銀三萬一千八百四十五兩

磚瓦二十三萬九百二十八個價銀三千四百八十九兩六錢九分六釐白灰三百九十萬四千劬價銀四千九百十九兩零四分繩筋蓆片家伙等項價銀一千七百二十兩打造銅鐵等項匠役工價併煤炭價銀二千七百六十七兩四錢各項匠夫工價銀一萬六千七百七十兩零六錢四分五釐以上共需用物料價值銀匠夫工價銀八萬六千零十八兩零八分相應差總管內務府官一員臣部司官一員照欽天監所擇于康熙三十年四月十二日開工所用磚灰瓦繩蓆家伙等物煤炭

價值併各項匠夫工價銀兩行文山東巡撫動用司庫錢糧交與管工官預行燒造磚瓦灰筋備辦物料其匠夫開工之時僱覓修理查先造闕里

聖廟碑亭所用琉璃瓦料于回空糧船裝載運至濟寧州今修理需用琉璃瓦料松木檜木杉木等木顏料等項預備得日交與倉場侍郎于回空糧船裝載運至濟寧州此等物料差出官員前往驗收會同濟寧道自泗河漕覓運至闕里工所又查得江南江西湖廣浙江歷年解京架木各一千六百根此四省所解架木六千四百根行令各該巡撫

三才圖會 卷十五
將康熙二十九年分應解架木照數于本年內送
至闕里工所此修理之處令管工官員敬謹堅固
修理工完之日將實用過錢糧細數造冊到部確
查銷算具題可也康熙二十九年二月十八日奉
旨修理闕里

聖廟所用物料工價不必動支部內錢糧照數發內
帑銀兩採辦修理其物料着令回空糧船載運餘依
議

夏六月

遣內務府廣儲司郎中阜保工部虞衡司郎中阿爾裨

內務府筆帖式王世遵工部筆帖式查爾奇昂吉
圖監督修理

聖廟八月阜保等至曲阜九月回空糧船運琉璃瓦
料松木檟木杉木顏料物料至濟寧州江南江西
湖廣浙江所解架木六千四百根亦至郎中阜保
等驗收同濟寧道韓作棟等由泗河運至兗州府
由兗州府起車運至闕里康熙三十年辛未夏四
月十二日丁卯郎中阜保阿爾裨督同濟南府同
知金世揚兗州府通判許嗣華曲阜縣知縣孔尚
愉等起工修理

聖廟康熙三十一年壬申秋八月二十日丁酉告成
附錄○宋文帝元嘉十九年詔魯郡修孔子廟及
學舍○齊世祖永明七年詔曰宣尼誕敷文德峻
極自天發揮七代鈞陶萬品英風動舉素王誰匹
功隱於當年道深於日月前王敬仰崇修寢廟歲
月亟流鞠爲茂草今學校興立實稟洪規可改築
宗祊務在爽塏○唐高宗乾封元年詔大修文宣
公廟以兗州都督霍王元軌董其役○懿宗咸通
七年鄆曹濮等州觀察使孔溫裕上修廟奏狀○
周太祖廣順二年勅兗州修葺孔子祠廟○宋太

宗太平興國八年詔近臣曰朕嗣位以來咸秩無
文徧修羣祀惟魯之夫子廟堂未加營葺闕孰甚
焉可詔大將作恢敞儒宮○真宗天禧五年詔以
封禪行宮遺材於轉運司支官錢修葺○神宗元
豐元年詔兗州以省錢修葺宣聖祠廟先是州縣
憚於申請廟久不修至是始完葺○元豐五年詔
轉運使於絲絹錢內支錢二千貫又賜度牒三十
本給兗州重修本廟及於本路雜差役兵士工匠
等以四十七代孫孔若升監修○徽宗政和元年
令運司於係省錢內應付修完本廟及於本路諸

三晉盛典 卷十五
州軍差雜役兵士工匠和僱百姓修造委四十八代孫孔端友監修。○金熙宗皇統元年詔於行臺撥錢一萬四千貫修理聖廟委四十九代孫孔環監修并禁官司侵占聖廟地者著爲令甲。○章宗明昌元年詔曰比聞曲阜縣孔聖廟興蓋多年廡門位次阨陋極壞蓋彼處官提控修補所用錢於泰山香錢內支如以後更有損壞委本縣申部支錢修補又令夫子廟係省錢修蓋有司出錢七萬四百貫有奇擇幹臣典領匠役制度大備於歷朝。○元世祖至元四年東平路曲阜縣尹兼主祀事

孔治請將宣聖廟奎文閣廟學等修蓋奏准委官張煥與達魯花赤管民官估計合用磚瓦木植等物價銀錢鈔五十六錠四十餘兩又於本路曆日錢內支鈔二十錠仍委能幹人員與總管府委定官員并曲阜尹兼主祀事孔治等起蓋奎文閣杏壇齋廳黌舍皆卽舊而新之而殿廡未及。○成宗大德元年大中大夫濟寧路達魯花赤按擅不花行部至曲阜瞻拜祠下見其荒涼乃上言願自修葺一切所資首先出備如有不敷勸率好事者捐助申准許令修蓋遂自輸錢幣萬緡儲材選匠間

忽奉御史臺參詳祖庭林廟與他處不同修理盛
事當出自朝廷不可使臣下獨專其美奏罷之大
德四年工部符下官爲給降錢物命按擅不花詣
闕里度工起蓋十二月欽奉詔書不急之役停罷
五年奉中省判送本部參詳濟寧路奉詔書時聖
廟工役已及八分若今住罷經值霖雨損壞就用
元化錠鈔僱工修蓋於六年九月落成費十萬金
有奇。明太祖洪武七年衍聖公孔希學奏請修
理聖廟奉旨明年時和年豐與他修造洪武十年
布政司委兗州判官袁良督所屬州邑鳩工修理

諭三月而成。二十九年諭工部侍郎秦達闕里
先聖降神之地廟宇廢而不修何以妥神靈昭來
世爾工部卽爲修理以副朕懷遂差行人張敏引
工匠千人修蓋一新。成祖永樂九年衍聖公孔
彥縉咨部以祖廟洪武年間修理經今年久殿宇
廊廡樓閣等毀壞共四十六處計二百八十七間
工部覆奏於永樂十年撥囚三百三十名遣行人
雷迅管領赴廟修理迅核洪武年修廟係孔氏族
人孔思用等提領修蓋具奏永樂十三年正月奉
旨工部照洪武年間例與他修蓋法司裏撥一千

名囚人著孔家自管原去的行人著回來乃委族人孔思桓督修本年十二月奉旨孔廟是致敬去處囚人每作踐不便怎每還着文書舖馬裏去問工部家怎麼只撥這幾個囚人去修幾時得完便着山東布政司官一員與曲阜知縣孔克中隸齊民三千人典役於廟仍令囚人聽役於外至永樂十五年畢工。英宗天順八年詔巡撫山東都察院左副都御史賈銓重修闕里先聖廟。憲宗成化十九年衍聖公孔弘泰因廟制年久請復修廣乃命方面官督營造之役。孝宗弘治十二年六

月孔廟災燬殿廡等處一百二十三間御史余濂題請重修奉旨該衙門看了來說禮部尚書徐瓊等覆奏令巡撫都御史何鑑親詣災所相計該造殿宇廊廡碑亭等合用料價工食銀兩共該一十五萬二千兩有奇遂將荊州蕪湖杭州各抽分廠木植江西九江蘇州潯墅并臨清鈔關船料錢鈔及山東起運夏稅折鈔戶口食鹽并各司府在庫無礙錢糧委官前去提取支用委布政司叅議程愈按察司僉事李宗泗按察司僉事黃繡督工始工於弘治十三年二月訖工於十七年正月

臣按水經注孔廟卽夫子故宅宅大一頃後世以爲廟廟屋三間而已此魯哀公卽孔子宅立廟以祀之遺制也司馬遷登夫子講堂觀車服禮器諸生以時習禮於此輒低徊留之不能去祠宇雖隘而去古未遠其流風遺教淪浹於人心者如此其至也漢章帝幸宅祀孔子及七十二弟子作雲門成池韶濩六代之樂於時萬乘親臨六軍扈蹕生徒樂懸畢集於庭則廟寢當已恢廓非復從前樸陋而考漢世別無修廟之文魏黃初二年始詔魯郡修起舊廟又於其外廣爲學舍自後代有修葺

至唐擴正廟爲五間兩廡二十餘間後爲寢廟前爲廟門規制浸大游歷數朝踵事增華至於宋金元明制度弘敞已倍於昔後復移城衛廟闢廟以南之隙地入於櫺星門內延袤益廣林木蒼鬱重門洞達真爲萬仞之宮牆矣廟制旣大易以頽壞列代以來或曠世而一修或數年而輒舉載諸廟誌釐然可考若夫補塞塗茨隨時繕治亦有如孔溫裕之自出私財按擅不花之率先倡助者然元之臺臣有言祖庭林廟與他處不同修理盛事當出自朝廷不可使臣下專其美可爲獨識大體千

古不易之正論矣以後廟當修復襲封之臣必以上請明洪武時請者爲衍聖公孔希學永樂時請者爲衍聖公孔彥縉天順時請者爲衍聖公孔弘泰蓋請命於朝所以重

聖廟崇國體我

皇上本尊聖之

淵衷軫遺祠之隳敝鑒前代修建經費出於雜稅工徒役於民間遷延歲月徒循具文責成地方動多草率或旋作而旋罷或工完而輒毀非所以妥神靈昭來世也於是

俞衍聖公孔毓圻之請章下所司時部臣請暫停止

皇上排衆議而力行

遣官估計估計已定又有以天時不宜蓋正爲言者皇上命欽天監擇日於來年起工而先一年預發帑金庀治工料其材木琉璃瓦料及丹漆銅鐵諸物皆於漕艘運載至濟寧由濟而水運至兗由兗而陸運至闕里又截留江楚南浙四省歲輸架木同時畢至凡茲擘畫之盡善咸本

睿慮之周詳監督諸臣奉

命而行不越二年大工告竣蓋維時和年豐雨暘時若

故趨事赴工百毀具舉不役一夫不擾一物不勞
而理不速而成於是四方觀化咸仰

聖聰率土聞風羣歌

帝力蓋自有

聖廟以來歷經修建從未有

特發帑金專官監督刻期竣事盡善極華如今日者
矣

九月初六日壬子衍聖公孔毓圻率族屬翰林院
五經博士孔毓堦太常寺博士孔毓琮國子監博
士孔尚任國子監博士孔尚鉉候選州同孔聞訥

等候選知縣孔尚基等舉人孔毓榮等歲貢生孔
衍經等生員孔聞賢等奉祀生孔尚元等凡一百
十六員名赴

闕謝

恩

上命賜宴於禮部

衍聖公臣孔毓圻

奏爲

廟工告成臣恭率族屬匍匐

闕下叩謝

天恩事康熙二十八年九月蒙

皇上遣內務府廣儲司郎中臣阜保工部營繕司郎中

臣壽鼐前赴闕里

聖廟估計修葺於二十九年七月奉

旨遣內務府廣儲司郎中阜保工部虞衡司郎中阿爾

料監督工役於三十年四月起工今於三十一年

八月報完訖臣欽惟我

皇上

執中立誼

廣蓮乘時

位在德元既參天而兩地

道綜羣聖實作君而作師致邳隆而幾刑措上臻熙

熙皞皞之風由成功而煥文章端邁蕩蕩巍巍之

盛遠人歸化徧於日出之區視民如傷屢下蠲租

之詔遂使含哺鼓腹之倫咸蒙怙冒海晏河清之

宇共樂昇平文治莫備於今日而重道彌勤於

聖衷以闕里爲毓

聖之域固祠宇之宜崇亦宮牆當

清蹕之臨豈汙萊之弗剪特

遣天使相度工程旋發水衡以爲備物朱提十萬皆

內府之金碧瓦千車盡出

尚方之賜巨材運以漕舫架木輸於外省以至銅鉛

丹漆咸採厥土之良匠作工徒亦選冬官之勝若

夫廩餼僱直之微屏履餼糧之細悉歸經費仰給

羨錢纖毫不擾民間地方不知工作凡茲經畫之

盡善皆本

睿慮之周詳而臣阜保臣阿爾裨等肅將

欽命晝夜屏寧監理大工成功甚速由是殿廡輪奐昭

車服禮器之遺堂寢深嚴容宗廟百官之富飛費

深閣朗耀奎文碧檻層扉增輝魯壁重光塑像羹

牆之色儼臨整飭講壇詩禮之風如溯塗茨丹雘

無非見聖之思盡美極華允稱妥神之地謁者斂

容以對越觀者駭矚而怡愉靡不感仰

皇恩歡呼

帝德蓋自建

廟以來從未有完美莊嚴如今日者洵極天壤之大

觀亘古今而罕覩者矣臣生逢

聖世歷被

寵榮茲更蒙

恩修理祖廟

大典事關天下而遭遇幸在微臣臣卽捐糜頂踵末
由仰報

高深惟慶

作觀重新振儒風於四表

貞恒永固祝

聖壽於萬年率土咸依名言莫罄今當完工落成之日

臣謹率族屬翰林院五經博士臣孔毓埏等匍匐

闕下叩謝

皇上隆恩爲此具本跪捧恭

謝康熙三十一年九月初六日題本月初十日奉

旨覽卿奏訪知道了該部知道

工部

題爲請

旨事該臣等查得修理闕里

聖廟大成殿等殿五十四間大成門等門六十一間
兩廡八十八間共房二百零三間櫺星門一座牌
坊二座龕案一座原沽需用物料匠夫銀八萬六
千零十兩八分交與內務府郎中阜保臣部郎中
阿爾裨等修理去後今工完據郎中阜保等造具

細冊呈報到部照例核算除戶部取用顏料銅鐵等項及湖廣等四省解到架木不算價值并泗河僱覓船車裝載木植琉璃瓦顏料等項運價令山東巡撫另行題銷外辦買用過松檟木植銀二萬四千三百二十四兩八錢杉木榆檟木銀一百八十一兩五錢琉璃瓦料銀三萬一千八百四十五兩磚料布瓦銀三千五百二十一兩一錢三分六釐白灰銀四千七百十五兩八錢八分九釐繩劬葦蓆銀一千六百零二兩一錢七分六釐傢伙葦笈等項銀一百零八兩三錢打造銅鐵物料工銀

一千九百六十一兩六錢四分七釐各項匠夫工價銀一萬五千八百五十八兩零一分五釐共實用過銀八萬四千一百十八兩四錢六分三釐與例相符應准開銷節省銀一千八百九十九兩六錢一分七釐令管工郎中阜保等繳回

內帑餘剩松木一百十九根半江米九斗七升二合五勺鐵二千三百四十八觔十二兩存貯

聖廟如有應用之處令其應用其長短架木八千一百八十七根行令山東巡撫速行運至張家灣木廠可也康熙三十二年二月二十二日題本月二

十五日奉

旨依議

工部

題前事該臣等議得山東巡撫桑格疏稱修理

聖廟運送物料動用地丁銀三千兩自濟寧運至滋陽水路八十五里運過物料用銀一千二百三十三兩九錢零自滋陽運送曲阜縣陸路三十里用銀一千一百二十三兩七錢零共用銀二千三百五十七兩六錢零餘剩銀六百四十二兩三錢零應彙行解部等因造冊具

題前來查該撫將所用物料陸路水路運送脚銀既經查核題明應准開銷餘剩銀六百四十二兩三錢零應解戶部可也康熙三十二年三月初七日題本月初九日奉

旨依議

附錄。明成祖永樂十五年五月修理孔廟畢工衍聖公孔彥縉率知縣孔克中及族人等奏謝命頒膳於光祿復賜宴於禮部仍命衍聖公孔彥縉知縣孔克中上殿面對。孝宗弘治十七年五月重建孔廟成衍聖公孔聞韶上表奏謝曰伏以文

教誕敷離照普臨於海宇儒宗大慶鼎新復見於
宮牆誠千載之偉觀匪一家之私幸光覃鄒魯遠
邁金元茲蓋伏遇陛下體備中和志兼謨烈乾綱
獨運闢四門以廣忠言渙號孔揚奉兩宮而隆孝
治登延耆俊屏斥異端講籍田之禮以厚民生却
貢獻之私而恢邦計加崇釋奠重師表百王之功
常御經筵究剛述六經之旨當廟宇落成之日應
治元初紀之期載念先皇舉斯盛典屢勤大吏督
彼羣工出官帑以佐經營發役人以充輪作禮庭
中起視昔有加寢殿相高於文斯稱像設儼衣冠
之肅歲時增俎豆之輝文星遠映乎奎壁化雨再
沾於汾泗總賴乾坤之力致茲輪奐之休臣爵與
上公身叨主祀孔林無恙企聞詩聞禮之風闕里
有嚴愧肯構肯堂之業侍虞庠而觀盛舉已被鴻
恩瞻嵩嶽以祝蕃釐載申微悃伏願配乎天配乎
地慶無疆之治於一人作之君作之師享有道之
長於萬世

幸魯盛典卷十五終

幸魯盛典卷十六

康熙二十九年庚午四月世襲翰林院五經博士

孔毓埏請創建述聖廟

詔許之

世襲翰林院五經博士加六級臣孔毓埏謹

奏為述聖未有專廟懇

勅鼎建以隆祀典事伏念臣祖述聖子思子乃至聖之

嫡孫家學淵源授受最真且從學於曾子傳道於

孟子晚年作中庸一書極天人性命之精微與大

學論孟竝垂學宮其功較諸賢猶稱最著至宋大

觀二年始從祀孔廟端平二年陞入十哲咸淳三年又陞入四配在顏曾孟三賢之列蓋其道德相同則其食報似不可或異今顏曾孟三賢自孔廟配享之外又各有

勅建專廟故錄其子孫世為五經博士主奉祀事今臣亦蒙

聖恩備員博士而臣祖子思子獨未有專廟每至春秋丁期俎豆闕如備查顏曾孟三廟之制皆前有殿而後有寢列及門之賢於廊廡又別立祠宇竝祀三賢之父若母今子思既無專廟而其父伯魚以

大聖為父以大賢為子乃不得如顏路曾點孟孫氏者享一日堂上之尊其母與夫人亦不得各備寢位之榮即門人如孟子者亦不得侍坐於師側曠古缺典未有如斯之甚者也幸遇我

皇上重道崇儒研精經傳以治術而闡心法以君道而行師教凡前代未舉之典靡不燦然明備其於魯之周公廟鄒之孟子廟及先儒書院等處既皆修葺一新竝

賜勅撰碑文及御書匾額近又蒙

特發帑金庀材儲料重修臣始祖先師孔子廟伏考歷

代

帝王加意聖門隆恩厚賚如我

皇上今日者實所罕觀今臣祖子思子未有專廟是數
千年之闕畧留以待今日臣不於此時懇請更俟
何時是以不揣卑微冒昧上瀆伏乞

皇上垂念子思子傳道之功准照顏曾孟三賢祀典許
其一體設立專廟其廟基卽在闕里孔廟西北之
隅臣衙署之左與顏廟相爲輔翼至於建造之資
臣不敢再望

內帑亦不敢重煩有司祇用孔廟之殘材餘料其不足
者臣自行設處積年累歲漸就規模以爲臣奉祀
獻爵之地但望

皇上恩比周公孟子兩廟及先儒書院之例亦
勅撰碑文

御書匾額以照耀四海垂示來茲則述聖之道德彌光
而萬世之祀典攸賴矣康熙二十九年三月二十
六日奏四月初五日奉

旨該部議奏欽此欽遵於本月初六日到部該臣等竊
考子思子從祀孔子廟自宋大觀二年始至端平

初陞入十哲祀於堂上咸淳初同曾子陞入顏孟之列是爲四配而顏子廟初建於兗在唐開元二十七年嗣建於曲阜在元泰定三年孟子廟建於鄒縣在宋景祐四年曾子廟建於嘉祥縣志稱朔始無考至明正統以後屢經修葺惟子思子向未有專廟元元貞初因鄒縣舊有子思講堂祠後改稱書院明正德元年始以衍聖公次子世襲五經博士奉鄒縣書院祀事而曲阜之廟祀缺焉今博士孔毓埏疏稱數千年之缺畧留待今日乞照顏曾孟三賢祀典一體立廟廟基卽在闕里西北隅

其建廟之資自行區處應如所請倣顏曾孟三廟規制建立子思子廟春秋致祭載諸祀典至於疏請

勅撰碑文

御書匾額用以昭示來茲應俟廟宇報竣到部之日
臣部恭請

睿裁康熙二十九年四月二十一日題本月二十三日
奉

旨依議

附錄。宋馬端臨經籍考子思子七卷晁氏曰魯

孔伋子思撰載孟軻問牧民之道何先子思子曰
先利之孟軻曰君子之教民者亦仁義而已何必
曰利子思曰仁義者曰所以利之也上不仁則不
得其所上不義則樂爲詐此爲不利大矣故易曰
利者義之和也又曰利用安身以崇德也此皆利
之大者也溫公采之著於通鑑夫利者有二有一
已之私利有衆人之公利子思所取公利也其所
引援易之言是也孟子所鄙私利也亦易所謂小
人不見利不勸之利也言雖相反而意則同不當
以優劣論也。楊時曰孔子歿羣弟子離散分處

諸侯之國雖各以所聞授弟子然得其傳者蓋寡
故子夏之後有田子方子方之後有莊周其去本
寢遠矣獨曾子之後子思孟子之傳得其宗子思
之學中庸是也。朱熹曰曾子大抵偏於剛毅這
終是有立脚處所以其他諸子皆無傳唯曾子獨
得其傳到子思也恁地剛毅孟子也恁地剛毅惟
是有這般人方始轉合得著惟是這剛毅之人方
始立得定子思別無可考只如孟子所稱如標使
者出諸大門之外北面再拜稽首而不受如云事
之云乎豈曰友之云乎之類這是甚麼剛毅黃幹

曰論道統至于子思則先之以戒懼謹獨次之以智仁勇而終之以誠至於孟子則先之以求放心次之以集義終之以擴充此又孟子之得統於子思者然也

臣按子思子親炙

聖祖卒業曾門弘詩禮之訓紹一貫之傳闡義利之辨授之孟氏於吾道絕續之關承先啓後以一身任之使聖人之道昭垂萬古其功最鉅宋儒楊時稱其獨得聖學之宗朱熹尤極推其剛毅有以也抑臣於其居衛一節窺見其學力堅定忠義凜然

有非後世慷慨激烈之士所能及者至今讀其言曰如似去君誰與守明乎義之無所逃而節之不可奪也豈非傳

先聖事君以忠之家法而立萬世人臣之鵠者歟顧歷代追崇視諸賢獨後且廟貌缺如豈非極盛之舉固留以待超越百王之

聖主乎今博士臣毓挺具疏籲

恩卽奉

俞綸准其建造臣毓挺鳩工庀材者數年矣數千年未與之典禮創見於

聖朝而四配之廟乃全備無缺子思子始獲有棲神之
地而伯魚始得享推恩之榮於是羽翼

聖廟猶四時之成歲序四瀆之奠坤輿代嬗無窮流
行不息於萬斯年聖賢之道統皆載

天澤之汪洋以永垂不朽矣

康熙三十二年癸酉冬十月以

聖廟告成

詔遣

皇子胤祉至闕里告祭

衍聖公臣孔毓圻

奏為

廟工既經告竣

遣祭應籲

特恩謹據例陳請仰祈

睿鑒事臣查舊例明季弘治十七年修建闕里

聖廟落成時遣閣臣李東陽前詣祭告歷今三百年
來今蒙我

皇上鑒廟貌隳敝

特發內帑遣官監督修理於康熙三十一年八月內完

工經臣

題報在案臣思前代修建率多因仍舊制塗茨丹雘而已未有鼎新輪奐崇闋美備如今日者也其經費出於地方取於稅課而已未有朱提十萬特發帑金如今日者也其鳩工董成責於有司辦於守土而已未有煌煌

聖諭特遣耑官如今日者也其開工修理或時作而時止或經年而累月未有不役一人不擾一物而成工迅速如今日者也然於其落成猶遣大臣以展祭祀告成功况我

皇上之曠典隆恩有踰前代而

廟庭之輝煌壯麗度越曩時典既尊崇禮宜隆重天下之所欽仰四方之所觀瞻以及臣族衆人無不引領翹首恭候

遣祭落成以爲

聖代之盛典以垂萬世之弘規特敢循例

題請應否照例

遣祭出自

皇上特恩事關鉅典不獨臣之私望而已且臣自聖廟新成之後未奉

恩綸卽春秋丁祭未敢入廟供事暫在洙泗書院內致

祭擬合一併

題明仰祈

皇上睿鑒施行謹

題請

旨康熙三十二年三月二十八日題四月初七日奉

旨該部議奏

禮部

題前事該_臣等議得衍聖公孔毓圻疏稱

皇上鑒闕里廟貌隳敝

特發內帑遣官監督修理

皇上之曠典隆恩有踰前代而

廟庭之輝煌壯麗度越曩時典既尊崇禮宜隆重特

敢

題請照例遣祭等語查明季實錄弘治十七年

聖廟落成遣閣臣李東陽前往致祭我

皇上之稽古右文崇儒重道

治統立帝王之極

心傳接洙泗之宗

聖域鳩工特重耑員之選良材庀具爰

頒內府之金

廟貌改觀几筵增麗規制倍隆於往昔模楷永著於
來茲今當落成之時應

遣大臣告祭恭候

命下之日其應行典禮再行具

題可也康熙三十二年四月二十三日題本月二十

五日奉

旨依議

禮部

題前事該臣等議得據欽天監回稱本年六月初七

日巳卯用卯時致祭

聖廟等因前來查定例內開

文廟春秋二祭開列滿漢大學士具題

欽點一員致祭祭

傳心殿開列滿漢大學士部院尚書等

欽點一員致祭等語又查致祭

先師孔子闕里應

遣大臣開列職名恭候

欽點差往致祭其祭文由翰林院撰擬木匣罩袱等物

田工部預備降真等香由戶部預備祭帛由太常

寺預備看守祭文香帛派筆帖式一員祭品行文

地方官照例備辦等語該_臣等議得應照欽天監選擇日期致祭其祭文翰林院撰擬香帛等項於該部寺衙門移取看守祭文香帛派_臣部筆帖式一員前往祭品行文該地方官照例備辦應遣大臣開列職名具題恭候

欽點一員祭文香帛由_臣部交付起行先期齋戒三日朝服虔誠致祭可也康熙三十二年五月初四日題九月二十九日奉

旨闕里

聖廟修建鼎新遣皇子前往告祭著再議具奏

禮部

題前事該_臣等再議得闕里

聖廟落成

皇上崇儒重道

特遣

皇子前往告祭今據欽天監回稱擇得本年十月十五日乙酉宜用卯時

皇子起行十一月初六日乙巳宜用辰時告祭等語應照欽天監選擇本月十五日卯時起行先期齋戒二日於十一月初六日辰時致祭此致祭時隨

去大臣侍衛官員地方官員及衍聖公併五氏官員俱隨行禮其引禮帛酒等事俱派太常寺官員其餘俱照前議可也康熙三十二年十月初四日題本月初六日奉

旨遣胤祉告祭餘依議

太常寺謹

題爲

皇三子祭闕里

孔聖廟儀注祭日辰時

皇子穿便服補掛至大門外下馬處贊引官引

皇子從東邊門入至盥洗處贊引官唱盥手盥手畢

贊引官引至臺階上行禮處站立典儀官唱樂舞

生就位執事官各司其事唱畢贊引官贊就位

皇子就位站立典儀官唱迎神唱樂官唱迎神樂奏

咸平之曲唱畢奏樂樂畢贊引官贊跪叩興

皇子行三跪九叩禮典儀官唱奠帛爵行初獻禮

捧香帛爵官捧舉香帛爵就前向神位站立唱樂

官唱初獻樂奏寧平之曲唱畢奏樂贊引官贊陞

壇引

皇子從東邊門入就香案前司香官在案左邊跪贊

引官贊跪

皇子跪贊上香

皇子將香盒拱舉仍授典司香官

皇子站立將柱香拱舉插爐內又三次進塊香上畢
捧帛官跪贊引官贊跪

皇子跪行一叩頭禮興贊引官贊奠帛

皇子站立接帛拱舉獻于案上畢贊引官引

皇子至爵案前捧爵官跪贊引官贊獻爵

皇子站立接爵拱舉獻於中間跪行一叩頭禮興贊
引官贊詣讀祝位引

皇子詣讀祝位站立讀祝官至安祝文案前行一跪

三叩禮將祝文捧舉就前站立樂止贊引官贊跪

皇子跪讀祝官亦跪贊引官贊讀祝讀祝官讀祝畢

將祝文捧舉至帛案前跪安於盛帛盒內畢行三

叩禮退奏樂贊引官贊

皇子行三叩禮畢興贊引官贊復位引

皇子復位站立樂畢典儀官唱行亞獻禮捧爵官將

爵捧舉就前向神位站立唱樂官唱亞獻樂奏安

平之曲唱畢奏樂贊引官贊陞壇引

皇子從東邊門入就爵案前捧爵官跪贊引官贊跪

三禮典 卷十六
皇子跪行一叩禮興贊引官贊獻爵

皇子站立執爵拱舉獻于左邊跪行一叩禮興贊引官贊復位引

皇子復位站立樂畢典儀官唱行終獻禮捧爵官將爵捧舉過神位前左右邊向神位站立唱樂官唱終獻樂奏景平之曲唱畢奏樂贊引官贊陞壇引皇子從東邊門入過神位至右邊爵案就前捧爵官跪贊引官贊跪

皇子跪行一叩禮興贊引官贊獻爵

皇子站立接爵拱舉獻于右邊畢跪行一叩禮興贊

引官贊復位引

皇子復位站立樂畢典儀官唱徹饌樂奏咸平之曲唱畢奏樂樂畢典儀官唱送神唱樂官唱送神樂奏咸平之曲唱畢奏樂贊引官贊跪叩興

皇子行三跪九叩禮興樂畢典儀官唱捧祝帛饌恭詣燎位唱畢捧祝帛香饌官就前捧祝帛官跪行三叩禮捧香饌官不叩俱跪請接次捧舉出中門詣燎位

皇子至西邊站立俟祝帛饌過畢

皇子照舊就位站立焚祝帛贊引官贊禮畢

皇子退爲此謹

題于康熙三十二年十月初九日題奉

旨著穿蟒袍皇子並不曾祭過在伊府內演禮隨去官員亦令皇子認識皇四子皇八子在承祭皇三子後陪祀行禮

附錄○明弘治十七年禮部尚書張昇等題覆山東巡撫都御史徐源題爲恤災異以崇正道事一疏本部已經會議題准通行修蓋去後今該前因案呈到部看得命官祭告陞擢官員係隸吏禮二部掌行合行移咨貴部煩照各官題奉欽依內事

聖徑自查照覆奏施行等因移咨送司案呈到部切照巡撫都御史徐源巡按御史陳璘等題稱孔廟落成乞要御製宸章勒之堅珉及命館閣儒臣捧勅祭告一節臣等看得闕里孔廟自古尊崇歷代修建其創造廟宇嚴設聖像不知幾千百年矣皇上崇重聖道卽命修蓋大出帑藏之資積至四年之久然後厥工告成雖仍舊址實乃重建輪奐鼎新壯麗堅緻倍蓰往昔非尋常修蓋之可倫也仰惟我朝每歲春秋二丁於在京孔廟猶傳制特遣內閣大臣祭祀况東魯闕里寰宇欽仰茲孔廟

新成又天下觀望所繫曠數百年希有之事理當
異其禮儀極其崇重以爲一代之盛典垂萬世之
成規今都御史徐源等所言誠知所重合無允其
所請比照在京孔廟時祭事例仍請勅一道命文
職大臣一員前往祭告行移翰林院撰御製碑文
并祝文太常寺關領香帛仍行本布政司轉屬支
給官錢買辦祭物至期致祭兵部應付船隻并扛
擡人夫等項所據遣大臣捧勅祭告伏乞聖裁奉
旨是遣大學士李東陽祭告着欽天監擇日來看
十月十五日乙酉

皇子在京起行

禮部各爲照

皇子於本月十五日起行告祭闕里

孔廟所有祭文在

皇子前行其經過地方官員照例迎送祭文之處相
應知會山東巡撫作速遞傳轉行祭文所經過地
方官員一體遵照可也

禮部咨該本部查得康熙二十三年

皇上親祭

聖廟穿補掛常服致祭在案今

三會原典 卷十六
遣皇子前往致祭或穿朝服或穿補服恭候

命下交與總管內務府預備可也康熙三十二年十月

初七日題本日奉

旨著穿補服欽此欽遵到部其隨去侍衛大臣官員及
地方官并衍聖公五氏官員俱穿補服可也

十八日戊子兵部傳

皇子諭曰我

皇父尊崇

先師重新

聖廟今告成

特遣了等前往恭祭凡一切應用物件俱係

皇父耑差官員動支帑銀採買一槩不須動用地方沿

途地方各官或有不知妄稱預備苛派小民或有

扈從官員指稱我等索求地方官員俱未可定爾

等曉諭經過地方官員一切應用物件禁止不須

預備倘有扈從人等指稱我等索取地方官員者

許地方官卽行拿送如地方官不行拿送或被傍

人首告或被我等訪出卽將地方官一併指名奏

聞至扈從大臣侍衛以下護軍當差人等以上所需草

料等物俱著用本身銀兩照依時價採買已經申

三會圖典 卷十六
飭又恐不肖之徒違禁強行勒買耑派官兵嚴行
查拏務使閭閻不擾仰副我

皇父加惠元元之至意著通行曉諭沿途村莊人民
悉可也

幸魯盛典卷十六終



